

Die acht vlgur.

Item wil du ein gemeinne proportionn machenn / so mach ein geres
chte firung darmit bezeychenn / die vier eck . a . b . c . d . darein ma
ch ein / Kreuz vom . 1 . zu . 2 . vnd von . 3 . zu . 4 . darnach mach ein
Kreuz vber ortt / vom . a . zum . d . vom . b . zu . c . darnach mach ein
virung vber ortt / vnd far vom . 1 . zu . 2 . vom . 3 . zu . 4 . vnd nim
das Recht ober virteyl / vnd teyls in funff teyl vnd nim der funffteyl
eins an dem kreuz strich / vnd far mit gantz herab vnd nim der funff
teyl eins / vnd setz an den / kreuzstrich auff die linckenn seydtenn vnd
far mit gar herab ann das ennt / der virung / nun theyl vom . a . vntz
zu . c . achteyl vnd nim der achteyl eins / vnd setz auff die Mittenn
der Linj . 1 . zu oberst / ann die virung / vnd nach der Leng ist der kopff
ein achteyl / vnd nach der preytten ein zehennteyl des possenn / nun
teyl den kopff in vierteyl nach der zwerg / in trey teyl nach der lenng
nun nim der teyl eins auß dem kopff setz vom kin herab außs hals grub
lein / vnd mach ein strich vber zwerg / so hastu die leng des hals bis
auff die achffel / nun teil vom der achsel trey teyl om das ent der vir
ung das sintt die trey biegunng des possenn / nim noch ein teyl auß /
dem kopff / vnd setz vom hals grubleim vntz auff die prust / vnd
nim trey teyl des kopff das ist ein zehennteyl des possenn / ob der
prust vntz in die weychem ist auch ein zehennteyl / Nun teil die zwey
teyl in sechs teyl die die prust Inenn halten nach der leng in sechs teyl /
gerat herab außs Kreuz vnd nach der preytdenn in trey teil / vnd in
das mittler setz das duttleim / verner setz ein zehennteyl vom der wes
ich ein vntz auff den Nabel von dem nabel ist auch ein zehennteyl /
vntz auff die scham das ist das mittel des possen / von der scham vntz
anff das ein peyssen der pein / ist auch ein zehennteyl / vnd von dem
Einpeyssen der pein vntz ob dem kny / ist auch ein zehennteyl / von
obenn dem kny / vntz Mitten in das kny ist ein tritteyl auff ein zehen
teyl ist vom mittenn dem kny vntz zu entte des vntteren kny von den
vntteren des kny / vnd im endt des Inerenn wadens ist auch ein zeh
ennteyl / vom ent des inerenn wadens zu des eusserenn wadens ist ein
tryteyl eins zehennteyls von ennt des Inneren wadens bis vnter den